

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-18662-1/13.  
Zenica, 09.09.2013. godine

**Z A P I S N I K**  
**sa 123. sjednice Vlade Zeničko-dobojskog kantona održane 06.09.2013. godine**

Sjednica je održana u sali 109, prvi sprat u zgradi Kantona, dana 06.09.2013. godine u trajanju od 10<sup>15</sup> do 12<sup>20</sup> sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Heljić Sabina, ministrica Ministarstva finansija,
2. Rifat Delić, ministar Ministarstva unutrašnjih poslova,
3. Ivica Ćurić, ministar Ministarstva za rad, socijalnu politiku i izbjeglice,
4. Mirko Trifunović, ministar Ministarstva za obrazovanje, nauku, kulturu i sport,
5. Senka Balorda, ministrica Ministarstva zdravstva,
6. Edin Terzić, ministar Ministarstva za prostorno uređenje, promet i komunikacije i zaštitu okoline,
7. Nedžad Lokmić, ministar Ministarstva za boračka pitanja,
8. Amir Abazović, pomoćnik ministra u Ministarstvu za privredu.

Sjednici su prisustvovali i:

1. Berjana Ačkar, sekretar Vlade,
2. Ivica Mandura, savjetnik Premijera,
3. Kadić Mirsad, sekretar Sekretarijata za zakonodavstvo,
4. Jasminka Ahmetspahić, viši stručni saradnik za poslove informisanja u Uredu premijera,
5. Alma Hrnjić, zapisničar.

Opravdano odsutni:

1. Bojan Bošnjak, ministar Ministarstva za poljoprivredu, šumarstvo i vodoprivredu,
2. Romana Brkić, ministrica Ministarstva za pravosuđe i upravu, a umjesto ministrice sjednici prisustvuje Ružica Jukić Ezgeta, sekretar Ministarstva za pravosuđe i upravu.

U svojstvu gosta, dijelu sjednice u periodu od 10<sup>00</sup> do 10<sup>51</sup> sati prisustvovao je Sretko Radišić, predsjedavajući Skupštine Zeničko-dobojskog kantona i

U svojstvu izvjestioca, sjednici je prisustvovao Nurudin Smajlagić, direktor Agencije za privatizaciju Zeničko-dobojskog kantona.

Premijer je stavio na diskusiju predloženi

## **DNEVNI RED :**

1. Verifikacija Zapisnika sa 121. sjednice Vlade Zeničko-dobojskog kantona održane dana 21.08.2013. godine;
2. Prednacrt Izmjena i dopuna Budžeta Zeničko-dobojskog kantona za 2013. godinu;
3. Prijedlog Zakona o izmjenama i dopunama Zakona o kantonalnim administrativnim taksama. sa Prijedlogom Zaključka o utvrđivanju;
4. Izvještaj o izvršenju Budžeta Zeničko-dobojskog kantona za period januar-juni 2013. godine, sa Prijedlogom Zaključka o prihvatanju;
5. Prijedlog Odluke o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec avgust 2013. godine;
6. Prijedlog Zaključka o postupanju po odluci Ustavnog suda AP 3507/11 od 25.06.2013. godine;
7. Mišljenje Ministarstva za rad, socijalnu politiku i izbjeglice na Prednacrt Zakona o zaštiti porodice sa djecom Federalnog ministarstva rada i socijalne politike, sa Prijedlogom Zaključka o prihvatanju;
8. Prijedlog Zaključka o odobravanju sredstava Općini Maglaj na ime plaćanja troškova priključka na elektro distributivnu mrežu obnovljenih stambenih objekata povratnika Mustafić Zijada i Adilović Vahidina;
9. Prijedlog Zaključka o odobravanju sredstava Općini Žepče kao učešće Kantona u sufinansiranju završetka realizacije Projekta izgradnje stambenih jedinica na lokaciji Bravačić;
10. Mišljenje Ministarstva za prostorno uređenje, promet i komunikacije i zaštitu okoline o inicijativi općine Tešanj za davanje autentičnog tumačenja Odluke o organizaciji i načinu obavljanja taksi prijevoza putnika na području Zeničko-dobojskog kantona, sa Prijedlogom Zaključka o prihvatanju;
11. Mišljenje Ministarstva za obrazovanje, nauku, kulturu i sport o podnesenoj Inicijativi poslanika Skupštine Zeničko-dobojskog kantona Jupić Adnana i Begić Senaida za izmjene i dopune Zakona o osnovnoj školi, sa Prijedlogom Zaključka o prihvatanju;
12. Mišljenje Ministarstva za obrazovanje, nauku, kulturu i sport o podnesenoj Inicijativi poslanika Skupštine Zeničko-dobojskog kantona Jupić Adnana i Begić Senaida za izmjene i dopune Zakona o srednjoj školi, sa Prijedlogom Zaključka o prihvatanju;
13. Prijedlog Zaključka o davanju saglasnosti za imenovanje direktora Gimnazije „Rizah Odžečkić“ u Zavidovićima;
14. Prijedlog Zaključka o davanju saglasnosti za imenovanje direktora OŠ „Novi Šeher“ Novi Šeher;
15. Prijedlog Zaključka o odobravanju sredstava Savezu ratnih vojnih invalida Zeničko-dobojskog kantona;
16. Prijedlog Zaključka o odobravanju sredstava Tutmić Semizu, demobilisanom borcu, za pokriće dijela troškova liječenja;
17. Prijedlog Zaključka o izmjeni Zaključka broj 02-14-14093/13 od 25.06.2013. godine;
18. Prijedlog Zaključka o odobravanju sredstava Kulturno-umjetničkom društvu „Željezara“ Zenica na ime finansijske pomoći za odlazak na 15. Internacionalni festival folkloru u Turskoj;
19. Zahtjev za odobravanje sredstava planiranih Finansijskim planom Agencije za privatizaciju Zeničko-dobojskog kantona za 2013. godinu;

Članovi Vlade su se saglasili sa predloženom dopunom dnevnog reda od strane ministra Ministarstva za boračka pitanja, tako da je za sjednicu jednoglasno usvojen sljedeći:

## **DNEVNI RED :**

1. Verifikacija Zapisnika sa 121. sjednice Vlade Zeničko-dobojskog kantona održane dana 21.08.2013. godine;
2. Prednacrt Izmjena i dopuna Budžeta Zeničko-dobojskog kantona za 2013. godinu;
3. Prijedlog Zakona o izmjenama i dopunama Zakona o kantonalnim administrativnim taksama. sa Prijedlogom Zaključka o utvrđivanju;

4. Izvještaj o izvršenju Budžeta Zeničko-dobojskog kantona za period januar-juni 2013. godine, sa Prijedlogom Zaključka o prihvatanju;
5. Prijedlog Odluke o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec avgust 2013. godine;
6. Prijedlog Zaključka o postupanju po odluci Ustavnog suda AP 3507/11 od 25.06.2013. godine;
7. Mišljenje Ministarstva za rad, socijalnu politiku i izbjeglice na Prednacrt Zakona o zaštiti porodice sa djecom Federalnog ministarstva rada i socijalne politike, sa Prijedlogom Zaključka o prihvatanju;
8. Prijedlog Zaključka o odobravanju sredstava Općini Maglaj na ime plaćanja troškova priključka na elektro distributivnu mrežu obnovljenih stambenih objekata povratnika Mustafić Zijada i Adilović Vahidina;
9. Prijedlog Zaključka o odobravanju sredstava Općini Žepče kao učešće Kantona u sufinansiranju završetka realizacije Projekta izgradnje stambenih jedinica na lokaciji Bravačić;
10. Mišljenje Ministarstva za prostorno uređenje, promet i komunikacije i zaštitu okoline o inicijativi općine Tešanj za davanje autentičnog tumačenja Odluke o organizaciji i načinu obavljanja taksi prijevoza putnika na području Zeničko-dobojskog kantona, sa Prijedlogom Zaključka o prihvatanju;
11. Mišljenje Ministarstva za obrazovanje, nauku, kulturu i sport o podnesenoj Inicijativi poslanika Skupštine Zeničko-dobojskog kantona Jupić Adnana i Begić Senaida za izmjene i dopune Zakona o osnovnoj školi, sa Prijedlogom Zaključka o prihvatanju;
12. Mišljenje Ministarstva za obrazovanje, nauku, kulturu i sport o podnesenoj Inicijativi poslanika Skupštine Zeničko-dobojskog kantona Jupić Adnana i Begić Senaida za izmjene i dopune Zakona o srednjoj školi, sa Prijedlogom Zaključka o prihvatanju;
13. Prijedlog Zaključka o davanju saglasnosti za imenovanje direktora Gimnazije „Rizah Odžečkić“ u Zavidovićima;
14. Prijedlog Zaključka o davanju saglasnosti za imenovanje direktora OŠ „Novi Šeher“ Novi Šeher;
15. Prijedlog Zaključka o odobravanju sredstava Savezu ratnih vojnih invalida Zeničko-dobojskog kantona;
16. Prijedlog Zaključka o odobravanju sredstava Tutmić Semizu, demobilisanom borcu, za pokriće dijela troškova liječenja;
17. Prijedlog Zaključka o izmjeni Zaključka broj 02-14-14093/13 od 25.06.2013. godine;
18. Prijedlog Zaključka o odobravanju sredstava Kulturno-umjetničkom društvu „Željezara“ Zenica na ime finansijske pomoći za odlazak na 15. Internacionalni festival folkloru u Turskoj;
19. Zahtjev za odobravanje sredstava planiranih Finansijskim planom Agencije za privatizaciju Zeničko-dobojskog kantona za 2013. godinu;
20. Prijedlog Zaključka o odobravanju sredstva JOB-u "Unija veterana" Zeničko-dobojskog kantona u svrhu sufinansiranja obilježavanja značajnih datuma i događaja iz proteklog odbrambenooslobodilačkog rata na području općine Maglaj manifestacija pod nazivom "Septembarski dani otpora".

#### **Prva tačka dnevnog reda**

Vlada je jednoglasno usvojila Zapisnik sa 121. sjednice Vlade Zeničko-dobojskog kantona održane dana 21.08.2013. godine;

#### **Druga tačka dnevnog reda**

Obrazloženje za ovu tačku dnevnog reda dala je Sabina Heljić, ministrica.

U diskusiji su učestvovali: Premijer Zeničko-dobojskog kantona, ministrica Ministarstva zdravstva, ministar Ministarstva za rad, socijalnu politiku i izbjeglice, sekretar Vlade, sekretar Sekretarijata za zakonodavstvo, ministar Ministarstva za prostorno uređenje, promet i komunikacije i zaštitu okoline, Predsjedavajući Skupštine Zeničko-dobojskog kantona.

Vlade je razmatrajući Izmjene i dopune Budžeta Zeničko-dobojskog kantona za 2013. godinu, predložene od strane Ministarstva finansija jednoglasno donijela Zaključak kojim se zadužuje Ministarstvo finansija Zeničko-dobojskog kantona da za narednu sjednicu Vlade Zeničko-

dobojskog kantona, dostavi na razmatranje Prijedlog Izmjena i dopuna Budžeta Zeničko-dobojskog kantona za 2013. godinu, koji će se u dalju skupštinsku proceduru dostaviti po hitnom postupku. Zaključak stupa na snagu danom donošenja.

### **Treća tačka dnevnog reda**

Obrazloženje za ovu tačku dnevnog reda dala je Sabina Heljić, ministrica.

U diskusiji su učestvovali: Premijer Zeničko-dobojskog kantona i ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se utvrđuje Prijedlog Zakona o izmjenama i dopunama Zakona o kantonalnim administrativnim taksama. Prijedlog Zakona o izmjenama i dopunama Zakona o kantonalnim administrativnim taksama upućuje se u dalju skupštinsku proceduru po skraćenom postupku. Zaključak stupa na snagu danom donošenja.

### **Četvrta tačka dnevnog reda**

Obrazloženje za ovu tačku dnevnog reda dala je Sabina Heljić, ministrica.

U diskusiji su učestvovali: Premijer Zeničko-dobojskog kantona i ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se prihvata Izvještaj o izvršenju Budžeta Zeničko-dobojskog kantona za period januar-juni 2013. godine. Izvještaj iz tačke I ovog Zaključka se upućuje u skupštinsku proceduru. Zaključak stupa na snagu danom donošenja.

### **Peta tačka dnevnog reda**

Obrazloženje za ovu tačku dnevnog reda dala je Sabina Heljić, ministrica.

U diskusiji je učestvovao Premijer Zeničko-dobojskog kantona.

Vlada je jednoglasno donijela Odluku o raspodjeli sredstava za finansiranje političkih stranaka i klubova poslanika političkih stranaka zastupljenih u Skupštini Zeničko-dobojskog kantona za mjesec avgust 2013. godine

Ovom Odlukom odobrava se isplata sredstava u iznosu od 33.333,33 KM (slovima: tridesettri hiljade tristotinetridesettri/33 konvertibilnih maraka) za političke stranke i klubove poslanika političkih stranaka zastupljene u Skupštini Zeničko-dobojskog kantona, za mjesec avgust 2013. godine.

Sredstva iz člana 1. Ove Odluke raspoređuju se na način da se:

- 30% sredstava dijeli jednako svim političkim strankama, odnosno klubovima poslanika političkih stranaka koje su osvojile mandate u Skupštini Zeničko-dobojskog kantona,
- 60% sredstava dijeli prema broju poslaničkih mandata koje svaka politička stranka zastupljena u Skupštini Kantona, ima u trenutku dodjele mandata,
- 10% od ukupnog iznosa raspoređuje se klubovima poslanika, srazmjerno broju poslaničkih mjesta koja pripadaju manje zastupljenom spolu.

Kao trenutak raspodjele sredstava iz člana 2. ove Odluke smatra se dan donošenja Odluke Vlade Kantona o raspodjeli istih.

Isplata sredstava iz člana 1. ove odluke će se izvršiti na osnovu Zakona o izvršavanju budžeta Zeničko-dobojskog kantona za 2013. godinu (“Službene novine Zeničko-dobojskog kantona”, broj 19/12), sa razdjela 10, budžetska organizacija 01, potrošačka jedinica 0001-Skupština Kantona, ekonomski kod 614300 „Tekući transfer za finansiranje političkih stranaka, koalicija političkih stranaka i nezavisnih poslanika.“

Zadužuju se Ministarstvo finansija Zeničko-dobojskog kantona i Stručna služba Skupštine Zeničko-dobojskog kantona da u skladu sa zakonom i podzakonskim aktina realizuju ovu odluku, svako u okviru svoje nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

### **Šesta tačka dnevnog reda**

Obrazloženje za ovu tačku dnevnog reda dala je Ružica-Jukić Ezgeta, sekretar Ministarstva za pravosuđe i upravu.

U diskusiji su učestvovali; Premijer Zeničko-dobojskog kantona i ministar Ministarstva za rad, socijalnu politiku i izbjeglice.

Vlada je jednoglasno donijela Odluku o zaduženju Ministarstva finansija i Ministarstva za rad, socijalnu politiku i izbjeglice da hitno izvrše plaćanje po Odluci Ustavnog suda Bosne i Hercegovine o dopustivosti u meritumu, broj AP 3507/11 od 25.06.2013. godine.

Zadužuje se Ministarstvo rad, socijalnu politiku i izbjeglice da zatraži izjašnjenje, od nadležne institucije u ovom postupku, odnosno Centra za socijalni rad Vareš na razloge zbog kojih je Ustavni sud Bosne i Hercegovine konstatovao da je došlo do kršenja prava iz člana II/3.d) Ustava Bosne i Hercegovine i člana 5. stav 1. e. i stav 4. Evropske konvencije, zbog čega je Vlada Zeničko-dobojskog kantona obavezna isplatiti nematerijalnu štetu.

Zadužuje se Ministarstvo rad, socijalnu politiku i izbjeglice da izvrši detaljnu analizu postojećih kantonalnih propisa u kontekstu navoda u obrazloženju odluke iz tačke I i uputi cirkularno pismo svim Ustanovama iz oblasti socijalne zaštite sa područja Zeničko-dobojskog kantona sa ciljem sprečavanja daljeg kršenja odredaba Evropske konvencije u ovom segmentu zagarantovanih prava. Obavezuje se Ministarstvo za rad socijalnu politiku i izbjeglice da po izvršenom plaćanju o istom odmah obavijesti Ustavni sud Bosne i Hercegovine, u smislu postupanja Vlade Zeničko-dobojskog kantona po nalogu ovog suda. Zaključak stupa na snagu danom donošenja.

### **Sedma tačka dnevnog reda**

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji su učestvovali: Premijer Zeničko-dobojskog kantona i ministarica Ministarstva zdravstva.

Vlade je jednoglasno uz predloženu izmjenu donijela Zaključak kojim se prihvata mišljenje Ministarstva za rad, socijalnu politiku i izbjeglice o Prednactu Zakona o zaštiti porodice sa djecom, dostavljen od strane Federalnog ministarstva rada i socijalne politike. Izjašnjenje Vlade o inicijativi iz tačke I. ovog zaključka upućuje se Skupštini Zeničko-dobojskog kantona. Zaključak stupa na snagu danom donošenja.

### **Osma tačka dnevnog reda**

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji je učestvovao Premijer Zeničko-dobojskog kantona.

Vlade je jednoglasno donijela Zaključak kojim se odobravaju Općini Maglaj, sredstva u iznosu od 3.496,20 KM (slovima: trihiljadečetiri stotinedevedesetišest konvertibilnih maraka i 20 pfeninga ) kao pomoć za priključak na elektrodistributivnu mrežu povratnicima u naselje Kopice, općina Maglaj a sa ciljem stvaranja minimalnih uvjeta za stanovanje i konačnog povratka na prijeratnu adresu.

Sredstva se odobravaju za sljedeće povratnike:

1. Mustafić Zijad                      1.748,10 KM
2. Adilović Vahidin                    1.748,10 KM

Sredstva iz tačke I. ovog zaključka isplatit će se iz Budžeta Zeničko-dobojskog kantona („Službene novine Zeničko-dobojskog kantona” broj:19/12), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.

Navedena sredstva isplatit će se na račun općine Maglaj broj: 1990460003251634, otvoren kod Sparkasse bank Maglaj, sa naznakom Svrha uplate: „Pomoć za priključak na elektrodistributivnu mrežu, za povratnike Mustafić Zijada i Adilović Vahidina, u općinu Maglaj“.

Zadužuju se Ministarstvo za rad, socijalnu politiku i izbjeglice, Ministarstvo finansija i Općina Maglaj da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Obavezuje se Općina Maglaj da dostavi izvještaj o namjenskom utrošku sredstava. Zaključak stupa na snagu danom donošenja.

### **Deveta tačka dnevnog reda**

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji je učestvovao Premijer Zeničko-dobojskog kantona.

Vlade je jednoglasno donijela Odluku o odobavanju sredstava za sufinansiranje Projekta izgradnje stambenih jedinica za raseljene osobe, na lokaciji Bravačić, Ulica Prva, Žepče. Odobravaju se Općini Žepče sredstva u iznosu od 30.000,00 KM (slovima:trideset hiljada konvertibilnihmaraka) kao učešće Zeničko-dobojskog kantona u sufinansiranju završetka realizacije Projekta izgradnje stambenih jedinica na lokaciji Bravačić, Ulica Prva, općina Žepče, za raseljene osobe, kojima su potvrđena stanarska prava u stanovima u srušenoj stambenoj zgradi Park 9, u Ulici Prva, općina Žepče.

Sredstva iz člana 1. ove odluke isplatit će se iz Budžeta Zeničko-dobojskog kantona („Službene novine Zeničko-dobojskog kantona” broj:19/12), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.

Odobrena sredstva će se uplatiti na depozitni račun Općine Žepče broj: 3380002210835421 otvoren kod Unicredit Banka Žepče, ID broj: 4218163450003, broj Općine 105, sa naznakom Svrha uplate: „Sufinansiranje završetka realizacije Projekta izgradnje stambenih jedinica na lokaciji Bravačić, Ulica Prva, općina Žepče.“

(1) Ovlašćuje se Ministar Ministarstva za rad, socijalnu politiku i izbjeglice da u ime Vlade Zeničko-dobojskog kantona potpiše Ugovor o sufinansiranju Projekta izgradnje stambenih jedinica na lokaciji Bravačić, Ulica Prva, općina Žepče.

(2) Zadužuju se Ministarstvo za rad, socijalnu politiku i izbjeglice, Ministarstvo finansija i Općina Žepče, da u skladu sa zakonom i podzakonskim aktima realizuju ovu odluku, svako u okviru svojih nadležnosti.

Općina Žepče je dužna Ministarstvu za rad, socijalnu politiku i izbjeglice dostaviti izvještaj o namjenskom utrošku sredstava do 31.12.2013. godine.

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona”.

### **10. tačka dnevnog reda**

Obrazloženje za ovu tačku dnevnog reda dao je Edin Terzić, ministar Ministarstva za prostorno uređenje, promet i komunikacije i zaštitu okoline,

Vlada je jednoglasno donijela Zaključak kojim se prihvata mišljenje Ministarstva za prostorno uređenje, promet i komunikacije i zaštitu okoline o inicijativi općine Tešanj za davanje autentičnog tumačenja Odluke o organizaciji i načinu obavljanja taksiprijevoza putnika na području Zeničko-dobojskog kantona.

Izjašnjenje Vlade o inicijativi iz tačke I. ovog zaključka upućuje se Skupštini Zeničko-dobojskog kantona. Zaključak stupa na snagu danom donošenja.

### **11. tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji su učestvovali: ministar Ministarstva za boračka pitanja, sekretar Sekretarijata za zakonodavstvo i ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se prihvata podnesena Inicijativa poslanika Skupštine Zeničko-dobojskog kantona Jupić Adnana i Begić Senaida za imjenama i dopunama Zakona o osnovnoj školi, ("Službene novine Zeničko-dobojskog kantona", broj 5/04, 20/07 i 9/11), u skladu sa prethodnim Mišljenjem ministra Ministarstva za obrazovanje, nauku, kulturu i sport, broj: 10-02-15971-1-1/13., od 28.08.2013.godine, koje se prilaže uz ovaj zaključak i smatra njegovim sastavnim dijelom.

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Izjašnjenje Vlade o Inicijativi sa mišljenjem iz tačke I ovog zaključka upućuje se Skupštini Zeničko-dobojskog kantona. Zaključak stupa na snagu danom donošenja.

### **12. tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se prihvata podnesena Inicijativa poslanika Skupštine Zeničko-dobojskog kantona Jupić Adnana i Begić Senaida za imjenama i dopunama Zakona o srednjoj školi ("Službene novine Zeničko-dobojskog kantona", broj 5/04, 20/07, 19/09 i 9/11), u skladu sa prethodnim Mišljenjem ministra Ministarstva za obrazovanje, nauku, kulturu i sport, broj: 10-02-15970-1-1/13., od 28.08.2013.godine, koje se prilaže uz ovaj zaključak i smatra njegovim sastavnim dijelom.

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Izjašnjenje Vlade o Inicijativi sa mišljenjem iz tačke I ovog zaključka upućuje se Skupštini Zeničko-dobojskog kantona. Zaključak stupa na snagu danom donošenja.

### **13. tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji je učestvovala ministrica Ministarstva finansija.

Vlada je jednoglasno donijela Zaključak o davanju saglasnosti za imenovanje direktora Gimnazije "Rizah Odžević" u Zavidovićima.

Daje se saglasnost da se Alen Skejić, profesor tjelesnog odgoja i sporta imenuje na dužnost direktora Gimnazije „Rizah Odžević“ u Zavidovićima, na vrijeme od četiri godine. Zaključak stupa na snagu danom donošenja.

### **14. tačka dnevnog reda**

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji su učestvovali ministar Ministarstva za rad, socijalnu politiku i izbjeglice i Premijer Zeničko-dobojskog kantona.

Vlada je jednoglasno donijela Zaključak o o davanju saglasnosti za imenovanje direktora OŠ "Novi Šeher" Novi Šeher

Daje se saglasnost da se Zijad Meškić, nastavnik razredne nastave, imenuje na dužnost direktora OŠ "Novi Šeher" Novi Šeher, na period od četiri godine. Zaključak stupa na snagu danom donošenja.

### **15. tačka dnevnog reda**

Obrazloženje za ovu tačku dnevnog reda dao je Nedžad Lokmić, ministar Ministarstva za boračka pitanja.

U diskusiji su učestvovali; Premijer Zeničko-dobojskog kantona i ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se odobravaju sredstva u iznosu od 10.000,00 KM (slovima: deset hiljada konvertibilnih maraka) Savezu ratnih vojnih invalida Zeničko-dobojskog kantona u svrhu sufinansiranja programa rekreativnog druženja ratnih vojnih invalida sa područja svih općina Zeničko-dobojskog kantona, koje će se održati na Bistričaku kod Zenice u posljednoj sedmici septembra 2013.godine.

Sredstva iz tačke I. Zaključka isplatit će se iz Budžeta Zeničko-dobojskog kantona za 2013. godinu razdjel 24, budžetska organizacija 01, potrošačka jedinica 0001, ekonomski kod 614200-"Tekući transferi pojedincima", subanalitika OAD 204 "Sredstva za rad branilačkih udruženja" Ministarstva za boračka pitanja.

Uplata sredstava bit će izvršena na račun Saveza ratnih vojnih invalida Zeničko-dobojskog kantona, koji se obavezuje da izvještaj sa dokazima o namjenskom utrošku sredstava dostavi Ministarstvu za boračka pitanja u roku od 15 dana od dana realizacije programa.

Zadužuju se Ministarstvo za boračka pitanja i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

#### **16. tačka dnevnog reda**

Obrazloženje za ovu tačku dnevnog reda dao je Nedžad Lokmić, ministar Ministarstva za boračka pitanja.

U diskusiji je učestvovao Premijer Zeničko-dobojskog kantona.

Vlada je jednoglasno donijela Zaključak kojim se odobravaju sredstva u iznosu od 7.000,00 KM (slovima: sedam hiljada konvertibilnih maraka) Semizu (Ćamil) Tutnić, demobilisanom braniocu iz Žepča u svrhu sufinansiranja naknade troškova liječenja-nabavke i ugradnja defibrilatora u Zdravstvenoj ustanovi, Specijalna bolnica, Centar za srce BH Tuzla u Tuzli.

Sredstva iz tačke I. Zaključka isplatit će se iz Budžeta Zeničko-dobojskog kantona za 2013.godine sa budžetske pozicije razdjel 24, budžetska organizacija 01, potrošačka jedinica 0001, ekonomski kod 614200-"Tekući transferi pojedincima", subanalitika OAD 214 "Pomoć za liječenje i nabavku lijekova".

Uplata sredstava bit će izvršena na račun Općine Žepče, Služba za opću upravu i društvene djelatnosti, koja se obavezuje da sredstva iz člana 1.ovog zaključka uplati na račun Zdravstvene ustanove, Specijalna bolnica, Centar za srce BH Tuzla u Tuzli, te izvještaj sa dokazima o namjenskom utrošku sredstava dostavi Ministarstvu za boračka pitanja u roku od 15 dana od dana izvršene doznake sredstava na račun Zdravstvene ustanove.

Zadužuju se Ministarstvo za boračka pitanja i Ministarstvo finansija da u skladu sa zakonom i podzakonskim aktima realizuje ovaj zaključak, svako u okviru svojih nadležnosti. Zaključak stupa na snagu danom donošenja.

#### **17. tačka dnevnog reda**

Obrazloženje za ovu tačku dnevnog reda dao je Nedžad Lokmić, ministar Ministarstva za boračka pitanja.

Vlada je jednoglasno donijela Zaključak o izmjeni Zaključka broj: 02-14-14093/13 od 25.06.2013. godine.

U Zaključku broj: 02-14-14093/13 od 25.06.2013.godine, kojim se odobravaju novčana sredstva za potrebe stambenog zbrinjavanja petnaest pripadnika braniteljske populacije, korisnika stanova u



Zenici, Ulica Bistua Nuova 9, u tački II. broj "177.135,00" u obje alineje, zamjenjuje se brojem "172.135,00". Zaključak stupa na snagu danom donošenja.

### **18. tačka dnevnog reda**

Obrazloženje za ovu tačku dnevnog reda dao je Premijer Zeničko-dobojskog kantona.

Vlada je jednoglasno donijela Zaključak kojim se odobravaju novčana sredstva Kulturno umjetničkom društvu „Željezara” Zenica, u iznosu od 500,00 KM (slovima: petstotinakonvertibilnih maraka) na ime finansijske pomoći za odlazak na 15. Internacionalni festival folklor „Sindrigi 2013“ Republika Turska.

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2013. godinu, sa razdjela 11, Ured premijera, budžetska organizacija 01, potrošačka jedinica 0001, ekonomski kod 614300, pozicija “Transfer neprofitnim organizacijama”.

Sredstva uplatiti na žiro-račun Kulturno umjetničkog društva „Željezara” Zenica, broj: 134 010 000000 5746, otvorenog kod Investiciono-komercijalne banke dd Zenica.

Zadužuju se Ured premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

Obavezuje se korisnik sredstava da Uredu premijera Zeničko-dobojskog podnese izvještaj o utrošku sredstava u roku od 30 dana po utrošku sredstava. Zaključak stupa na snagu danom donošenja.

### **19. tačka dnevnog reda**

Obrazloženje za ovu tačku dnevnog reda dao je Nurudin Smajlagić, direktor Agencije za privatizaciju Zeničko-dobojskog kantona.

U diskusiji su učestvovali: ministrica Ministarstva finansija, savjetnik Premijera, sekretar Sekretarijata za zakonodavstvo, ministar Ministarstva za boračka pitanja i ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se odobrava Agenciji za privatizaciju Zeničko-dobojskog kantona transfer sredstava sa posebnog “ESCROW” računa u iznosu od 357.000,00 KM, u skladu sa Finansijskim planom za 2013. godinu.

Zadužuju se Agencija za privatizaciju Zeničko-dobojskog kantona i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

Obavezuje se korisnik sredstava da Vladi Zeničko-dobojskog podnese izvještaj o utrošku sredstava. Zaključak stupa na snagu danom donošenja.

### **20. tačka dnevnog reda**

Obrazloženje za ovu tačku dnevnog reda dao je Nedžad Lokmić, ministar Ministarstva za boračka pitanja.

Vlada je jednoglasno donijela Zaključak kojim se odobravaju sredstva u iznosu do 4.000,00 KM (slovima: četirihiljade konvertibilnih maraka) JOB-u "Unija veterana" Zeničko-dobojskog kantona u svrhu sufinansiranja obilježavanja značajnih datuma i događaja iz proteklog odbrambenooslobodilačkog rata na području općine Maglaj manifestacija pod nazivom "Septembarski dani otpora".

Sredstva iz tačke I Zaključka isplatit će se iz Budžeta Zeničko-dobojskog kantona za 2013.god. razdjel 24, budžetska organizacija 01, potrošačka jedinica 0001, ekonomski kod 614200-"Tekući transferi pojedincima", subanalitika OAD 207 "Sufinansiranje organizovanja takmičenja i sportskih manifestacija" Ministarstva za boračka pitanja.

Uplata sredstava bit će izvršena na račun JOB-u "Unija veterana" Zeničko-dobojskog kantona, koji se obavezuju se da izvještaj sa dokazima o namjenskom utrošku sredstava dostavi Ministarstvu za boračka pitanja u roku od 15 dana, od dana okončanja aktivnosti na realizaciji manifestacije.

Zadužuju se Ministarstvo za boračka pitanja i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

Premijer je zaključio sjednicu u 12<sup>20</sup> sati.

**SEKRETAR VLADE**

*Berjana Ačkar*

**PREMIJER**

*Munib Husejnagić, dipl.ing.maš.*

**ZAPISNIČAR**

*Alma Hrnjić*